

青州府志
(嘉靖)

二

青州府志卷之五

天文志

星野

書曰天明畏自我民明威達于上下嚴哉星家者
流州野配合率多緣億縱其近似天道遠矣青郡
統轄袤延千里昔人所分玄枵奎婁具有成說不
可執亦不可廢也志之察機祥備修輔云

女虛危在子玄枵之次齊分野

晉天文志曰齊國入虛六度北海入虛九度樂安

入危四度唐天文志曰須女虛危玄枵也初須女
五度餘二千三百七十四秒四少中虛九度終危
十二度自濟北東踰濟水涉平陰至于山荏循岱
嶽衆山之陰東南及高密又東盡萊邑之地得漢
北海千乘淄川濟南齊郡及平原渤海九河故道
之南濱于碣石古齊紀祝淳于萊譚寒及斟鄩有
過有鬲蒲姑氏之國其地得姬訾之下流自濟東
達于河外故其象著爲天津絕雲漢之陽凡司人
之星與羣臣之錄皆主虛危故岱宗爲十二諸侯

受命府又下流當九河末派比于星紀

今青州屬邑曰益都曰臨淄曰博興曰高苑曰樂安曰壽光曰昌樂曰臨朐皆齊之舊境也宜屬于此

奎婁在戌降婁之次魯分野


晉天文志曰東海入奎一度瑯琊入奎六度城陽入婁九度唐天文志曰奎婁降婁也初奎二度餘一千二百一十七秒十七少中婁一度終胃三度自蛇丘肥城南屆鉅野東達梁父循岱嶽衆山之

陽以負東海又濱泗水經方與沛留彭城東至于
呂梁乃東南抵淮並淮水而東盡徐夷之地得漢
東平魯國瑯琊東海泗水城陽古魯薛邾莒小邾
徐郯鄆邳邳郛任宿須句顓臾牟遂鑄夷介根牟
及大庭氏之國奎爲大澤在陬訾下流當鉅野之
東陽至于淮泗婁胃之墟東北負山蓋中國膏腴
地百穀之所阜也

今青州屬邑曰莒州曰沂水曰日照曰安丘曰諸
城曰蒙陰皆魯之舊境也宜屬于此


按齊乘引禹貢青州曰嵎夷既略維淄其道徐
州曰淮沂其又蒙羽其藝嶧陽孤桐皆今齊境
山川也又引蘇秦曰齊南有泰山東有琅邪西
有清河北有渤海地方二千里此其疆域也又
春秋運斗樞曰虛危之精流為青州分為齊國
立為萊山其川淮泗其浸沂沭由此觀之青州
十四屬而以六屬為魯分殆不然矣若以初封
之制言之齊固不如比之大魯亦焉能遠有海
上數邑哉齊乘又曰沂州春秋齊魯二國之境
沂水本莒魯所爭之鄆邑密州戰國齊地今諸
城也安丘古振牟國前漢置縣有兩安丘一在
北海一在琅邪今縣鄰北海非琅邪之安丘矣
又焉得為魯邑哉春秋莒人入向向莒縣也傳
至子朱為楚所滅地人于齊燕將破齊惟莒即
墨不下是也日照瀕海建邑未久地屬琅邪放
于琅邪亦齊境也惟東蒙在魯邦域之中耳大
抵青州屬邑在魯分者沂水
蒙陰二縣也餘俱隸齊為是



齊分玄枵圖





魯分降婁圖





災祥

春秋特詳災異豈不以人事作於下天變應於上昭然可鑒戒哉而後之作史者則機祥並書所以紀事徵著得失也夫晏嬰蹇侃其對齊君之言遑矣魏晉以來政治不百一古昔然方策所記言祥瑞者寔多此繇何道哉是又可鑒也已

周惠王三年

春秋魯莊公二十二年齊桓公十二年

夏齊大災

劉向以爲齊桓

好色以妾爲妻嫡庶屢更故也

敬王四年

春秋魯昭公二十六年齊景公三十二年

齊有慧星

齊侯使禳之晏

子

三少月二十六日

二

二

子曰無益也祇取誣焉天道不諂不貳其命若之何穰之且天之有慧也以除穢也君無穢德又何穢穰之何損熒惑守虛期年去

赧王三十一年

齊湣王四十年

齊千乘博昌之間方數百

里雨血沾衣○齊有人當闕而哭者求之不得去

則聞其聲

時燕昭王伐齊齊湣王出奔爲楚將淖齒所弑

秦二世二年秋七月琅琊大霖雨

漢高帝三年十一月癸卯晦日食在虛三度

虛齊分

惠帝七年正月辛丑朔日食在危十三度

危齊分占曰正

月朔日是爲三朝尊者惡之

文帝元年四月齊楚地震山崩大水潰出

通考云文帝二

年四月齊楚地山廿九所同日震俱大發水潰出劉向以爲齊楚七國爲亂破滅之兆

二年十一月丁卯晦日食在虛八度

五年六月齊雍門外有狗生角

先是帝兄齊悼惠王亡後帝分齊地

二其度子七人皆爲王兄弟並疆有亢陽心故犬獸見也太守御角兵象在前而上鄉者也犬不當生角猶諸侯不當舉兵鄉京師也天之戒人蚤矣

七年十一月戊戌土水合于危

危齊分占曰爲雍沮所當之國不可

舉事用兵必受其殃一曰將覆軍

景帝三年十一月庚寅晦日食在虛九度

漢書作七年

中三年十一月庚午夕金火合於虛相去一寸占

爲鑠
爲喪

武帝元狩三年山東大水

宣帝本始元年五月鳳凰集膠東千乘

二年琅琊大旱

四年四月地震琅琊壞宗廟城郭○五月鳳凰集
北海安丘淳于

元帝初元元年六月琅琊人相食

二年正月戊午齊地震北海水溢○秋七月己酉

地復震

下詔賑卹

建昭二年冬齊楚地大雪深五尺

綱目書云齊楚地震大雨雪

成帝建始四年秋河決館陶及東郡金隄泛濫灌平原千乘水居地深者三丈壞敗官亭室廬

永始元年春北海出大魚長六丈高一丈四枚

光武建武二年正月甲子朔日食在危八度

時世祖初

典天下賊亂未除虛危齊地賊張步擁兵據齊上遣伏隆諭步許降旋復叛稱王至五年中乃破

七年齊火災琅瑯陽都南門一柱飛抵洛陽

二十二年青州蝗